

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 19.07.2018թ. թիվ 1808327192 որոշումն անփոփոխ, իսկ վարչական բողոքն առանց բավարարման թողնելու մասին

<<03>> 08 2018թ. 17-13-87612-18/15-13-9647

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Մկրտիչ Սահակյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Ծխախոտագործների փողոցի 44Ա տան բնակիչ Մկրտիչ Սահակյանը դիմումով խնդրել է անվավեր ճանաչել լուսացույցի արգելող ազդանշանին չենթարկվելու համար իրեն վարչական պատասխանատվության ենթարկելու մասին Ճանապարհային ոստիկանության 19.07.2018թ. թիվ 1808327192 որոշումը՝ նշելով, որ իրավախախտումը կատարել է ոչ միտումնավոր:

Դիմումի քննարկման արդյունքում պարզվել է, որ դիմումատուի փաստարկը վարչական ակտը վերանայելու հիմք չի կարող հանդիսանալ, քանի որ Վարչական իրավախախտումների վերաբերյալ ՀՀ օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սեփականության, քաղաքացիների իրավունքների եւ ազատությունների, կառավարման սահմանված կարգի դեմ ունեցվող հակաիրավական, **մեղավոր (դիտավորյալ կամ անզգույշ)** այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Իրավախախտումն ամրագրած տեսանյութն ապացուցում է 27.06.2018թ. ժամը՝ 11:56-ին դիմումատուի կողմից Երևան քաղաքի Աճառյան - Ծարավ Աղբյուր փողոցների խաչմերուկի հատվածում <<Կանգ գիծ>> գծանշումը լուսացույցի արգելող ազդանշանի ներքո հատելու և երթևեկությունը շարունակելու փաստը:

Այսպիսով դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի 124.3-րդ հոդվածի 1-ին մասի հատկանիշները, ուստի նրան վարչական պատասխանատվության ենթարկելու մասին որոշումն օրինական է և իրավաչափ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 19.07.2018թ. թիվ 1808327192 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Մկրտիչ Սահակյանին:

Կատարող՝ Ա.Միրզոյան



Ե.Կարապետյան